



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՎԱՐՉԱԿԱՆ ԱԿՏ N 1512287
ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ**

10 մայիսի 2021թ.

ք. Երևան
(կազմման վայրը)

Ակտի հասցեատեր

Ա/Ձ Եղիշե Սարգսյան

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

3	5	1	0	0	3	7	4
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

ՀՀ, ք. Երևան, Մայիսի 9 փ., 51/124

(անհատ ձեռնարկատիրոջ հաշվառման հասցեն կամ իրավաբանական անձի գտնվելու վայրի հասցեն)

Խախտման նկարագրությունը

ՀՀ ՊԵԿ ՀՕՀՎ պետի 09.05.2021թ. թիվ 1512287 որոշման Ա/Ձ Եղիշե Սարգսյանի նկատմամբ իրականացվել են օպերատիվ-հետախուզական միջոցառումներ:

Իրականացված ՕՀՄ-ի արդյունքում պարզվել է, որ 09.05.2021թ. Ա/Ձ Եղիշե Սարգսյանը, Ռուսաստանի Դաշնությունում հաշվառված «Մոսկվա Բազար» ՍՊԸ-ից /9715301468/ 07.04.2021թ-ին՝ համաձայն 18.03.2021թ-ի թիվ 1903 հաշվարկային փաստաթղթի, ՀՀ տարածք է ներմուծել 1206կգ քաշով, 366 700 ՌԴ ռուբլի ինվոյսային արժեքով բջջային հեռախոսի արքեսուարներ՝ էկրանի պաշտպանիչ ապակի, լիցքավորիչ, ունիվերսալ լիցքավորիչ /Power Bank/, որոնք բեռնաթափվել են ք. Երևան, Արարատյան 62 հասցեում՝ «Ուրբան» մաքսային պահեստի տարածքում: Նշված բեռի հետազոտման արդյունքում պարզվել է, որ փաստացի ներմուծվել է 386 հատ ունիվերսալ լիցքավորիչ /Power Bank/, սակայն ներմուծման հաշիվ ապրանքագրում նշված էր 100 հատ ունիվերսալ լիցքավորիչ /Power Bank/՝ 1 հատը 110 ՌԴ ռուբլի ինվոյսային արժեքով, այսինքն թվով 286 հատ ունիվերսալ լիցքավորիչ /Power Bank/՝ ընդհանուր 31.460 ՌԴ ռուբլի արժեքով, որն ըստ ԿԲ տվյալ օրվա փոխարժեքի համապատասխանաբար կազմում է 217 703 ՀՀ դրամ /110 ռուբլի x 286 հատ x 6.92 դրամ/, Ա/Ձ-ի կողմից ՀՀ տարածք է ներմուծվել առանց համապատասխան ուղեկցող փաստաթղթի:

Թիվ 1512287 արձանագրությամբ 09.04.2021թ. հարուցվել է վարչական վարույթ: Կողմը, պատշաճ ծանուցված լինելով, ներկայացել է 20.04.2021թ. նշանակված վարչական վարույթի լուսններին և ներկայացրել է գրավոր առարկություն: Առարկությամբ մասնավորապես նշել է, որ ՀՕՀ վարչության կողմից 09.04.2021թ. կազմված թիվ 1512287 արձանագրության մեջ նշված չհայտարարագրված ապրանքները հայտարարագրված են այլ անվանմամբ՝ Payser банк նշումի

փոխարեն նշվել է универсальные зарядочки для мобильных телефонов: Կողմը նշել է նաև, որ համաձայն ՀՀ հարկային օրենսգրքի 57-րդ հոդվածի՝ ՀՀ տարածք ներմուծված և տեղափոխվող ապրանքի տեղափոխության համար ԵՏՄ անդամ պետություններից ցամաքային տրանսպորտով ներմուծման դեպքում ուղեկցող փաստաթուղթ է համարվում տարանցման հայտարարագիրը, որը առկա է ներմուծման փաթեթի մեջ:

Ներկայացված փաստաթղթերի, այդ թվում՝ հաշիվ ապրանքագրի, տարանցման հայտարարագրի և ներկայացված առարկության ուսումնասիրության արդյունքում, վարչական մարմինը հարկ է համարում նշել, որ առարկությունը համարվում է չիմնավորված, նկատի ունենալով, որ վերջինս պնդում է, որ ներմուծել է ընդհանուր 386 հատ ունիվերսալ լիցքավորիչ Payer банк, մինչդեռ 100 հատը ներկայացվել է որպես Payer банк, 286 հատը՝ универсальные зарядочки для мобильных телефонов, իսկ փաստաթղթի ուսումնասիրությամբ պարզվում է, որ универсальные зарядочки для мобильных телефонов ներմուծվել է 300 հատ: Հետևաբար ներկայացված թվերի անհամապատասխանության պատճառով, ինչպես նաև ապրանքատեսակների անվանումների տարբերության հանգամանքից ելնելով, Ա/Ձ Եղիշե Սարգսյանի կողմից ներկայացված առարկությունը հիմնավոր չի համարվում, և հաստատված է համարվում վերջինիս կողմից հաշիվ ապրանքագրում ապրանքների անվանացանկից տարբերվող ապրանքների ներմուծման և տեղափոխման փաստը: Ինչ վերաբերվում է տարանցման փաստաթուղթը որպես ուղեկցող փաստաթուղթ հիմք ընդունելու վերաբերյալ կողմի ներկայացված առարկությանը՝ հարկ ենք համարում նշել, որ տարանցման հայտարարագրում ապրանքի արժեքի ամրագրման համար հիմք է հանդիսանում հաշիվ ապրանքագիրը:

Ամփոփելով վերոգրյալը հարկ է նշել, որ հաշիվ ապրանքագրում ներառված չեն եղել ընդհանուր 31 460 ՌԴ ռուբլի արժեքով (217 703 ՀՀ դրամ), թվով 286 հատ Power Bank, հետևաբար դրանք ՀՀ տարածք են ներմուծվել և տեղափոխվել առանց համապատասխան ուղեկցող փաստաթղթի:

Այսպիսով, Ա/Ձ Եղիշե Սարգսյանի կողմից խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ հարկային օրենսգրքի 410-րդ հոդվածի 1-ին մասի 1-ին կետով, ըստ որի «Օպերատիվ-հետախուզական գործունեության մասին» ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուղեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ գանձվում է տուգանք այդ ապրանքի գնի (արժեքի) 50 տոկոսի չափով, բայց ոչ պակաս 200 հազար դրամից:

Տվյալ դեպքում Ա/Ձ Եղիշե Սարգսյանի կողմից խախտումը վերջին 1 տարվա ընթացքում կատարվում է առաջին անգամ: Ապրանքների ընդհանուր գումարը կազմել է 217 703 ՀՀ դրամ, որի 50 տոկոսը կազմում է 108 851.5 ՀՀ դրամ, ուստի օրենսդրական պահանջից ելնելով Ա/Ձ Եղիշե Սարգսյանի նկատմամբ կիրառելի է 200 000 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. Հաշվարկել և Ա/Ձ Եղիշե Սարգսյանին գանձման առաջադրել 200 000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (ՀՀ դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք ընդամենը, որից՝	200 000	պետական բյուջե	900008000490

2. Ընդունել ի գիտություն՝


- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնավար անձի
պաշտոնը, անունը և ազգանունը

Կ.Տ.

Ստացա ակտի մեկ օրինակը



Ստորագրությունը

ընդամենը 3 էջ

Ա/Ձ Եղիշե Սարգսյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատիր նշումով) իրավաբանական անձի գործադիր
մարմնի ղեկավար (գրագրության ընդունման համար
պատասխանատու անձ՝ հափուկ առաքման դեպքում)

ստորագրությունը

„_____“ _____ 2021թ.